



Kwa kufahamu kuwa bado watu wanafariki kutokana na maambukizi ya COVID-19 na baada ya kuona watu waliopokea chanjo wakiwa salama, niliamua kuchanjwa.

- CHRISTIAN



Jina langu ni Christian. Nina umri wa miaka 18 na mimi ni raia wa Kongo. Niliposikia kuhusu COVID-19 kwa mara ya kwanza, bado nilikuwa Kongo. Huko, COVID-19 ilituzuia kwenda shule. Tulilazimika kukaa nyumbani na kuvalia barakoa kila wakati. Nilikuja Marekani wakati wa janga hili. Katika nchi hizi mbili, Marekani na Kongo, zipo sheria unazopaswa kufuata, lakini huko Kongo unashurutishwa kufuata sheria, nao polisi wanakusumbua na kukushambulia wakati wowote, hivyo kukufanya uishi kwa hofu kila wakati. Hapa Marekani, serikali inawajali watu wake. Kusema ukweli, mara ya kwanza niliposikia kuhusu chanjo ya COVID-19 sikuwa tayari kupewa. Bado ilikuwa mpya na ya kuogofya. Isitoshe, wakati huo nilikuwa nimezungukwa na wakimbizi wengi walionieleza kuwa nikikataa kupata chanjo ya COVID-19 hali yangu kama mkimbizi itaathirika na nitarudishwa Afrika. Hata hivyo, baada ya kuona kuwa nchi zingine nyingi zilikuwa zikiendelea kutoa chanjo hiyo, niliridhika kwamba haikuwa kitu cha kuogopa. Kabla ya kupata dozi ya kwanza ya chanjo ya COVID-19, bado nilikuwa na wasiwasi kwa sababu marafiki zangu wengi waliipinga wakisema haikuwa nzuri.

Hata hivyo, kwa kufahamu kuwa bado watu wanafariki kutokana na maambukizi ya COVID-19 na baada ya kuona watu waliopokea chanjo wakiwa salama, niliamua kuchanjwa. Marafiki zangu ambao awali walipinga chanjo hii ghafla wakawa na hamu ya kutaka niwaeleze kuihusu ili waamue ikiwa watachanjwa au la. Sasa nimepokea chanjo kamili. Familia yangu pia imepokea chanjo kamili. Kufikia sasa, marafiki wangu wachache tu kutoka Kongo wanasubiri kupata dozi ya pili. Daktari aliyenipa dozi ya kwanza alinitahadharisha kuhusu dalili ambazo ningepata lakini akanipa ushauri mzuri kuhusu ninachopaswa kufanya nikipata dalili hizo. Alinieleza niweke maji baridi pale ambapo sindano iliingia na ninywe maji kwa wingi.

Nilifanya hivyo na yote yakawa shwari! Niliugua tu siku mbili za kwanza baada ya dozi ya kwanza, na nikaugua siku moja pekee baada ya dozi yangu ya pili. Kutangamana na watu wengi shuleni na mahali kwingine kunamaanisha kuwa unahitaji kuwa salama.

Hii ndiyo sababu mimi pia huvalia barakoa. Kwa kufanya hivi, ninaonyesha kuwa ni muhimu kujali afya ya walio karibu nami.